



All in for Kids

Tsab Ntawv Xov Xwm Rau Tsev Neeg Hauv Lub Khoos Kas Birth to 3

All in for Kids: Lub Khoos Kas Pab Cuam Birth to 3 yog ib tsab ntawv xov xwm uas pab qhia kom koj thiab koj tsev neeg paub txog cov kev txhawb nqa thiab cov kev pab cuam uas muaj los ntawm lub khoos kas pab cuam Birth to 3. Tsab ntawv xov xwm raug nthuav tawm los ntawm Wisconsin Lub Thawj Fab Saib Xyuas Hauj Lwm Ntsig Txog Cov Kev Pab Cuam Kev Noj Qab Haus Huv (Wisconsin Department of Health Services, DHS).



Kev nkag siab txog kev ntsuam xyuas ua ntu zus hauv Lub Khoos Kas Pab Cuam Birth to 3

Txhua tus me nyuam cov kev kawm paub thiab loj hlob los ntawm lawv tus kheejway—thiab ntawm lawv tus kheej. Qhov ntawv yog qhov laj thawj uas Lub Khoos Kas Pab Cuam Wisconsin Birth to 3 siv kev ntsuam xyuas tsis ua ntu zus txhawm rau kom pom ib daim duab tag nrho ntawm koj tus me nyuam zoo li cas thiab peb tuaj yeem pab txhawb nqa lawv txoj kev loj hlob kom zoo tshaj plaws zoo li cas. Tab sis “kev ntsuam xyuas ua ntu zus” tiag-tiag lawm txhais tau li cas? Cia muab nws sib faib tawm.

Kev ntsuam xyuas hauv Lub Khoos Kas Pab Cuam Birth to 3 yog dab tsi?

Kev ntsuam xyuas yog txoj hau kev Pab Pawg Birth to 3 suav sau cov ntaub ntawv hais txog koj tus me nyuam txoj kev loj hlob. Nws tsis yog kev tshwm sim ib zaug. Nws yog cov txheej txheem ua ntu zus uas suav nrog kev soj ntsuam koj tus me nyuam, kev mloog koj tsev neeg txoj kev nkag

Cov ntaub ntawv uas tau muab nyob rau hauv tsab ntawv xov xwm no tau luam tawm raws li U.S. Department of Education, Tsab Cai Hais Txog Cov Tib Neeg Xiam Oob Qhab thiab Kev Kawm Ntawv (Individuals with Disabilities Education Act, IDEA), thiab cov cai Feem C Uas Hais Txog Lub Khoos Kas Pab Cuam Rau Kev Cuam Tshuam Thaum Ntxov rau Cov Me Nyuam Mos Liab thiab Cov Me Nyuam Yaus Uas Muaj Cov Kev Xiam Oob Qhab.

siab, thiab kev siv yam peb kawm paub txhawm rau los ua kom koj tus me nyuam txoj phiaj xwm pab cuam rau tsev neeg (IFSP).

Qhov kev ntsuam xyuas muaj tus yam ntxwv zoo li cas?

Kev ntsuam xyuas ua ntu zus tshwm sim thaum lub sijhawm yav nruab hnub. Nws tsis yog qee yam uas tsuas yog tshwm sim hauv tus kws kho mob lub chaw ua hauj lwm los sis chav kawm ntawv. Nws muaj xws li:

- Saib seb koj tus me nyuam ua si li cas nrog cov khoom ua si hauv tsev los sis hauv chaw zov me nyuam
- Kev soj ntsuam koj tus me nyuam tus cwj pwm ntawm lub khw muag khoom noj, raws kev, los sis ntawm tsev neeg sib sau ua ke
- Kev hnov cov kwv tij, niam tais yawm txiv, los sis cov neeg zov me nyuam uas tau pom
- Kev tham nrog koj hais txog qhov koj pom txhua hnub, xws li cov lo lus tshiab, cov kev txav mus los, los sis tej hau kev uas koj tus me nyuam cov kev sib txuas lus

Lub khoos Kas Pab Cuam Birth to 3 sau tag nrho cov kev soj ntsuam no txhawm rau los tsim ib daim duab ntawm koj tus me nyuam qhov zoo, cov kev xav tau, thiab cov kev nyiam.

Kev ntsuam xyuas yuav pab tau kuv tus me nyuam tau li cas?

Kev ntsuam xyuas yuav pab koj pab neeg uas muaj kev cuam tshuam thaum ntxov (EI):

- Taug qab xyuas kev nce qib raws sijhawm thiab npaj cov kauj ruam tom ntej.
- Nkag siab tias koj tus me nyuam tuaj yeem ua tau dab tsi hauv cov hauj lwm txhua hnub xws li kev noj, kev ua si, thiab kev txav mus los.
- Tshawb nrhiav cov kev txhawj ntse tshiab thiab qhia txhua cov kev cov nyom.
- Kho cov kev pab cuam thiab kev txhawb nqa thaum xav tau.


Cov kev nkag siab tau tob no yuav pab peb tsim cov hom phiaj muaj txiaj ntsig zoo thiab muaj tseeb (tau hu ua **cov txiaj ntsig tau los**) uas haum rau koj lub neej txhua hnub.

Tau siv cov cuab yeej twg?

Cov pab pawg Lub Khoos Kas Pab Cuam Birth to 3 siv cov cuab yeej txhawm rau los qhia thiab sau teev tseg qhov kev ntsuam xyuas. Cov cuab yeej no yuav muab sib piv rau koj tus me nyuam txoj kev loj hlob mus rau yam uas feem ntau yog cov me nyuam yaus lawv muaj lub hnub nyoog ib yam. Tab sis nco ntsoov tias, koj tus me nyuam tsis raug txiaj txim. Cov cuab yeej no yuav pab peb kom nkag siab tias tam sim no koj tus me nyuam nyob qhov twg thiab yuav pab txhawb lawv txav mus los rau tom ntej tau zoo tshaj plaws li cas.

Txoj phiaj xwm kev npaj pab rau tsev neeg ntiag tug (IFSP) yog dab tsi thiab vim li cas nws thiaj li yog qhov tseem ceeb?

IFSP yog ib daim ntawv uas muaj cov ntaub ntawv hais txog koj pab neeg, koj tsev neeg, cov txiaj ntsig tau los (cov hom phiaj) uas koj tau teev tseg, thiab cov kev pab cuam muab txhawm rau los pab koj tus me nyuam thiab tsev neeg kom ncav cuag cov txiaj ntsig ntawv. Nws yog ib daim ntawv qhia kev mus rau kev vam meej. Nws yog raug hloov kho lawm, suav nrog yam uas koj xav tias tseem ceeb, thiab yoog raws li koj tus me nyuam txoj kev loj hlob. Nws yog ib txoj hau kev los xyuas kom paub tseeb tias koj tus me nyuam tau txais kev txaus siab rau kev ua ib tug me nyuam yaus thaum kawm ntawv thiab txhim kho los ntawm lawv tus kheej, nrog rau koj txoj kev txhawb nqa lawv ntawm txhua kauj ruam.



Cov ntaub ntawv uas tau muab nyob rau hauv tsab ntawv xov xwm no tau luam tawm raws li U.S. Department of Education, Tsab Cai Hais Txog Cov Tib Neeg Xiam Oob Qhab thiab Kev Kawm Ntawv (Individuals with Disabilities Education Act, IDEA), thiab cov cai Feem C Uas Hais Txog Lub Khoos Kas Pab Cuam Rau Kev Cuam Tshuam Thaum Ntxov rau Cov Me Nyuam Mos Liab thiab Cov Me Nyuam Yaus Uas Muaj Cov Kev Xiam Oob Qhab.

Koj tus kws lis hauj lwm txog kev pab cuam los sis tus kws muab kev pab cuam thawj zaug yuav piav qhia txog cov txiaj ntsig thiab txoj hau kev uas lawv cuam tshuam rau koj tus me nyuam li IFSP. Koj yuav yog ib feem ntawm kev sib tham tas li.

Qhov kev ntsuam xyuas yuav tshwm sim thaum twg?

Kev ntsuam xyuas tab tom ua mus ua ntu zus vim tias koj tus me nyuam hloov pauv txhua lub sij hawm! Qee qhov qauv piv txwv thaum peb ntsuas tau suav nrog:

- Thaum koj tus me nyuam nkag mus rau lub khoos kas pab cuam thawj zaug.
- Ntawm qhov kev mus saib tsev txhua zaug (txawm tias nws tsis raug raws kev raws cai los xij).
- Thaum koj los sis koj pab neeg pom tias muaj cov kev hloov pauv hauv koj tus me nyuam qhov kev txawj ntse.
- Thaum lub sij hawm ua cov kev tshab xyuas IFSP tsis tu ncu txhua rau lub hlis.
- Ntawm kev hloov kho IFSP txhua xyoo.
- Txhua lub sij hawm koj los yog pab neeg hnov tau tias yuav tsum tau hloov cov phiaj xwm.

Yog tias koj tus me nyuam tab tom ua kev nce qib tau sai, los sis yog tias muaj cov kev cov nyom tshiab, tshwm sim, kev hloov kho IFSP kuj yuav tuaj yeem tshwm sim rau txhua lub sij hawm.

Koj lub suab yog qhov tseem ceeb tshaj plaws

Tam li yog niam thiab txiv los sis tus saib xyuas, koj yog tus kws tshaj lij ntawm koj tus me nyuam. Koj pom tej yam uas pab pawg neeg cuam tshuaj thaum ntxov ntawm Lub Khoos Kas Pab Cuam Birth to 3 kuj yuav tsis. Koj cov kev soj ntsuam yuav pab tsim cov kev pab cuam uas koj tus me nyuam tau txais.

Xyuas kom ntseeg siab tias:

- Qhia yam uas koj pom thaum lub sij hawm ua tej hauj lwm txhua hnub.
- Tham txog cov kev hloov ntawm koj tus me nyuam lub peev xwm los sis cov kev nyiam.
- Nug cov lus nug yog tias koj tsis nkag siab qee yam.
- Qhia rau pab neeg kom paub tias yam twg ua hauj lwm - thiab yam twg tsis yog.

Pab pawg neeg yim paub txog koj tus me nyuam ntau, ces Lub Khos Kas Pab Cuam Birth to 3 haj yam tuaj yeem txhawb nqa koj tus me nyuam thiab tsev neeg tau.

Yog tias koj muaj lus nug txog koj tus me nyuam txoj kev loj hlob, ces nug koj tus kws muab kev pab cuam kho mob xub thawj los sis ib tus tswv cuab twg ntawm pab pawg IFSP. ❖

Pab neeg uas muaj kev cuam tshuam thaum ntxov (EI) yog dab tsi?

Pab neeg uas muaj kev cuam tshuam thaum ntxov (EI) yog ib pab pawg neeg ua hauj lwm ua ke txhawm rau kom nkag siab txog tus me nyuam cov kev xav tau. Pab neeg no suav nrog tus me nyuam niam thiab txiv los sis tus saib xyuas, tus neeg lis hauj lwm pab cuam, thiab cov kws txhawj ua hauj lwm tshaj lij tsim nyog. Lawv pab ntsuas los sis ntsuam xyuas tus me nyuam txoj kev loj hlob.

Koj tus me nyuam zaj dab neeg pab coj lawv txoj kev mus ncig

Kev ntsuam xyuas tsis yog hais txog cov lej los sis cov ntawv rau kev txheeb xyuas nkaus xwb. Nws yog hais txog kev nkag siab koj tus me nyuam lub ntiaj teb—thiab kev siv qhov kev paub ntawv los pab lawv kom muaj kev vam meej. Koj cov tswv yim, ua ke nrog kev soj ntsuam los ntawm lwm tus uas saib xyuas txog koj tus me nyuam, pab tsim lub hauv paus dag zog rau kev kawm thiab kev loj hlob.

Cov ntaub ntawv uas tau muab nyob rau hauv tsab ntawv xov xwm no tau luam tawm raws li U.S. Department of Education, Tsab Cai Hais Txog Cov Tib Neeg Xiam Oob Qhab thiab Kev Kawm Ntawv (Individuals with Disabilities Education Act, IDEA), thiab cov cai Feem C Uas Hais Txog Lub Khoos Kas Pab Cuam Rau Kev Cuam Tshuam Thaum Ntxov rau Cov Me Nyuam Mos Liab thiab Cov Me Nyuam Yaus Uas Muaj Cov Kev Xiam Oob Qhab.



Qhov Tseem Ceeb Ntawm Tsev Neeg: Tyson txoj kev ntoj ncig hauv Lub Khoos Kas Pab Cuam Birth to 3

Thaum Tyson tsev neeg tau koom nrog Lub Khoos Kas Pab Cuam Birth to 3 thawj zaug hauv St. Croix, Wisconsin, lawv tsis paub meej tias yuav muaj dab tsis tshwm sim. Zoo tib yam li ntau khub niam thiab txiv, uas lawv tab tom nrhiav qhov tsis paub tseeb uas tuaj yeem yuav muaj nrog tus me nyuam txoj kev loj hlob qeeb. Lawv nrhiav tau ib pab neeg uas mob siab saib xyuas tiag-tiag—thiab tus neeg ntawv yuav dhau los ua cov khub koom lag luam hauv kev pab Tyson kom muaj dag zog khov kho txhua hnuv.

Kev pib nrog kev txhawb nqa

Tyson raug xa mus rau Lub Khoos Kas Pab Cuam Birth to 3 los ntawm nws tus kws kho mob me nyuam yaus tom qab tsis muaj qhov tseem ceeb—kev zaum ntawm nws tus kheej—thaum muaj hnuv nyoo 9 hlis. Thaum lub sijhawm ntawv, nws tau ntsib teeb meem txog cov leeg nqaij tsis muaj zog thiab cov leeg nqaij sab laug tsis muaj zog, thiab nws qhov qhab nia tag nrho yog 9 ntawm 100.

Qhov ntawv yog thaum nws tau pib mus ntoj ncig nrog nws pab neeg kho mob kom ua hauj lwm tau. Lindsay, Tyson tus thawj coj kho mob kom ua hauj lwm tau, thiab Kathryn, tus tub ntxhais kawm txoj hauj lwm kho mob, tau pib ua hauj lwm nrog nws hauv nws lub tsev—kev tsim kom muaj chaw nyab xeeb thiab paub zoo rau nws txhawm rau kawm paub thiab loj hlob. Raws li Tyson tau loj hlob tuaj, cov kev kho mob tau hloov mus rau nws qhov chaw zov me nyuam, cia nws xyaum cov txuj ci tshiab hauv ib puag ncig uas nws siv sijhawm ntau ntawm nws txhua hnuv.

Kev vam meej tiag-tiag, kev zoo siab tiag-tiag


Ua tsaug rau Tyson txoj kev ua hauj lwm hnyav, thiab kev mob siab rau nws pab pawg kho mob, nws tau ua tiav yam tsis txaus ntseeg. Tsuas yog ib xyoo xwb, nws yuav tsis tas xav tau kev pab zaum mus ntxiv lawm txhawm rau kev nkag, kev sawv, thiab tam sim no taug kev tau yam ntseeg tus kheej lawm!

Nws cov kws kho mob rau fab kev nyuaj siab puas hlwb tsis yog tsuas tuaj ua kev kho mob nkaus xwb. Lawv tau nyob nrog nws tsev neeg, kev xa ntawv qhia xov xwm tshiab, kev sib qhia cov tswv yim txhawm rau los sim ua hauv tsev, thiab kev pab nws niam piav qhia txog Tyson txoj kev vam meej rau nws cov kws kho mob. Nws pab neeg zov me nyuam tau muab suav nrog tib yam, siv cov qauv ntau tswv yim uas cov kws kho mob rau fab kev nyuaj siab puas hlwb tau hais kom Tyson tuaj yeem txhim kho nws lub dag zog thiab cov kev txawj ntse thaum yav nruab hnuv.

LUB TSWV YIM KEV UA HAUJ UA PAB PAWG

Lub Khoos Kas Pab Cuam Birth to 3 ua hauj lwm nrog koj tsev neeg txhawm rau los pab txhawb qhov nws xav tau tshaj plaws. Tyson cov kws kho mob rau fab kev nyuaj siab puas hlwb tau ua hauj lwm nrog nws tsev neeg thiab cov kws qhia zov me nyuam, kev ua kom paub tseeb tias txhua tus tau paub txog txoj hau kev txhawb nqa nws txoj kev loj hlob. Qhov kev ua hauj lwm ua pab pawg no yuav pab cov me nyuam kom muaj kev vam meej—hauv tsev thiab hauv zej zog tib si.

Cov ntaub ntawv uas tau muab nyob rau hauv tsab ntawv xov xwm no tau luam tawm raws li U.S. Department of Education, Tsab Cai Hais Txog Cov Tib Neeg Xiam Oob Qhab thiab Kev Kawm Ntawv (Individuals with Disabilities Education Act, IDEA), thiab cov cai Feem C Uas Hais Txog Lub Khoos Kas Pab Cuam Rau Kev Cuam Tshuam Thaum Ntxov rau Cov Me Nyuam Mos Liab thiab Cov Me Nyuam Yaus Uas Muaj Cov Kev Xiam Oob Qhab.



Ib tsab lus tuaj ntawm Tyson tsev neeg

"Kev muaj ib tug me nyuam yaus me uas yug tau qeeb tuaj yeem yog ib qho txaus ntshai. Kev saib xyuas thiab kev pab hlub tshua uas peb tau ntsib nrog txhua qhov kev sib cuam tshuam hauv Lub Khoos Kas Pab Cuam Birth to 3 tau yog qhov uas tsis txaus ntseeg. Tyson tus kws kho mob rau fab kev nyuaj siab puas hlwb tau nqis peev tiag-tiag txhawm rau nws txoj kev vam meej.

Tsuas yog nws thawj rau lub hlis xwb, peb pom kev nce qib ntau heev—thiab peb paub tias Lub Khoos Kas Pab Cuam Birth to 3 yog qhov laj thawj. Tyson muaj ib pab neeg txhawb nqa nws, thiab peb hnov tau tias tau txais kev txhawb nqa. Lub khoos kas pab cuam no tau hloov pauv lub neej rau peb. " ❖



Tyson nrog rau nws cov kws kho mob rau fab kev nyuaj siab puas hlwb, Lindsay thiab Kathryn

Lub Khoos Kas Pab Cuam Birth to 3 xav tau peb tsev neeg cov dab neeg thiab cov duab!

Daim ntawv xov xwm All in for Kids yog muab rau cov tsev neeg. Peb xav qhia koj cov duab thiab cov kev paub dhau los rau lwm cov neeg nyeem txhawm rau kom muaj kev zoo siab! Koj tuaj yeem faib tawm tau tej yam xws li:

- Ke sib tham rau fab zoo nrog rau lub Khoos Kas Pab Cuam Birth to 3.
- Qhov ua piv txwv txog txoj hau kev uas Lub Khoos Kas Pab Cuam Birth to 3 tau pab koj tsev neeg los sis tus me nyuaj.
- Daim duab los sis zaj dab neeg ntawm qhov kev ua ub ua no uas koj tau ua nrog rau koj tus me nyuam.
- Daim duab ntawm txoj hauj lwm kos duab los sis lwm yam uas koj tus me nyuam tau ua.

Cov ntaub ntawv uas tau muab nyob rau hauv tsab ntawv xov xwm no tau luam tawm raws li U.S. Department of Education, Tsab Cai Hais Txog Cov Tib Neeg Xiam Oob Qhab thiab Kev Kawm Ntawv (Individuals with Disabilities Education Act, IDEA), thiab cov cai Feem C Uas Hais Txog Lub Khoos Kas Pab Cuam Rau Kev Cuam Tshuam Thaum Ntxov rau Cov Me Nyuam Mos Liab thiab Cov Me Nyuam Yaus Uas Muaj Cov Kev Xiam Oob Qhab.

Xa koj tsev neeg zaj dab neeg los sis daim duab hauv email mus rau dhsbirthto3@dhs.wisconsin.gov uas sau tias “All in for Kids” rau hauv txoj kab lub ncauj lus. Dhau li no lawm koj tuaj yeem xa tau cov tswv yim rau cov dab neeg uas koj xav pom nyob rau hauv daim ntawv xov xwm. Peb vam tias yuav hnov lus teb los ntawm koj! ❖

Kev tsom kwm rau tus khub: Family Voices of Wisconsin

Kev Tsom Kwm Rau Tus Khub yog tus yam txwv uas rov tshwm sim nyob rau hauv pab daim ntawv xov xwm, uas tsom kwm rau qee cov koom haum uas tej zaum cov tsev neeg yuav xav paub txog ntxiv.

Kev taw qhia cov txheej txheem xws li kev saib xyuas kev noj qab haus huv, kev cuam tshuam ntxov, thiab kev kawm qee zaum tuaj yeem xav tias nyuaj, tshwj xeeb tshaj yog thaum koj nyuam qhuav pib. Qhov ntawv yog qhov uas Lub Koom Haum Kev Tawm Suab Ntawm Family Voices of Wisconsin tuaj yeem pab tau.

Family Voices of Wisconsin yog ib lub koom haum ua hauj lwm tsis vam nyiaj paj ntsig thoob plaws lub xeev uas tau pab cov tsev neeg xws li pab koj los tau 30 xyoo. Lawv lub luag hauj lwm yog los txhawb dag zog rau cov tsev neeg txhawm rau los nrhiav cov kev pab cuam, txhawb nqa lawv cov me nyuam, thiab tsim kom muaj kev ntseeg siab los ua cov luag hauj lwm kev ua thawj coj hauv lawv cov zej zog.


Lawv txoj hauj lwm yog nyob ntawm ib lub tswv yim tseem ceeb: **Cov tsev neeg yog cov kws tshaj lij ntawm lawv cov me nyuam.**

Family Voices thiab Lub Khoos Kas Pab Cuam Birth to 3

Ntau tus neeg ua hauj lwm ntawm FVW muaj kev paub ua ntej nrog Wisconsin Lub Khoos Kas Pab Cuam Birth to 3. Lawv nkag siab txog yam uas nws hnov tau tias kev muaj cov lus nug twg, cov kev txhawj xeeb, thiab cov kev cia siab rau koj tus me nyuam yaus—thiab lawv paub tias kev muaj cov ntaub ntawv qhia meej thiab kev saib xyuas txhawb nqa yog qhov tseem ceeb npaum li cas.

FVW muaj ntau yam kev pab rau cov tsev neeg uas tau koom nrog hauv Lub Khoos Kas Pab Cuam Birth to 3:

- **Wisconsin Lub Khoos Kas Pab Cuam Birth to 3: Kev Xam Pom Ntawm Tsev Neeg** daim ntawv qhia tseeb yuav pab piav qhia seb qhov kev cuam tshuam thaum ntxov yog dab tsi los ntawm tsev neeg txoj kev ntsia pom.
- **Cov vis dis aus ntawm Lub Khoos Kas Pab Cuam Birth to 3** tau hais txog qhov laj thawj kev cuam tshuam thaum ntxov yog qhov tseem ceeb thiab vim li cas kev kawm hauv ib puag ncig raws li ntuj tsim (xws li koj lub tsev, kev zov me nyuam, los sis chaw ua si) yog qhov tseem ceeb heev.



Family Voices of Wisconsin YOS LEEJ TWG?

FVWV yog ib feem ntawm Wisconsin pab pawg sib koom lag luam ntawm cov koom haum txhawb nqa me nyuam yaus uas xav tau kev saib xyuas kev noj qab haus huv tshwj xeeb. Dhau li no lawm lawv kuj yog xeev Lub Chaw Pab Cuam Ntaub Ntawv Qhia Paub Txog Kev Noj Qab Haus Huv Ib Tsev Neeg-rau-Ib Tsev Neeg thiab lub chaw ncau ntawm lub koom haum Family Voices hauv teb chaws ntawm Wisconsin.

Kawm ypaub ntau ntxiv ntawm familyvoiceswi.org



Cov ntaub ntawv uas tau muab nyob rau hauv tsab ntawv xov xwm no tau luam tawm raws li U.S. Department of Education, Tsab Cai Hais Txog Cov Tib Neeg Xiam Oob Qhab thiab Kev Kawm Ntawv (Individuals with Disabilities Education Act, IDEA), thiab cov cai Feem C Uas Hais Txog Lub Khoos Kas Pab Cuam Rau Kev Cuam Tshuam Thaum Ntxov rau Cov Me Nyuam Mos Liab thiab Cov Me Nyuam Yaus Uas Muaj Cov Kev Xiam Oob Qhab.

- Lawv lub tsev qiv ntawv hauv oos lais muaj xws li cov ntawv qhia tseeb, cov vis dis aus, thiab cov lus qhia txog txhua yam los ntawm Medicaid mus rau cov kws kho mob txhawm rau los pab cov tsev neeg uas muaj kev ntseeg siab thiab tau lees paub.
- Mus saib lub tsev qiv ntawv tau ntawm no: familyvoiceswi.org/resource-library

Family Voices txhawb nqa cov tsev neeg tau li cas

Dhau li ntawm cov peev txheej uas tau muab luam tawm thiab cov vis dis aus lawm, FVW tseem muaj cov kev sib tham txog kev kawm pub dawb thoob plaws hauv lub xyoo thiab. Cov kev sib tham no yuav pab cov tsev neeg kom nkag siab txog cov khoos kas pab cuam tseem ceeb, kawm paub txog kev tawm cov txuj ci, thiab txuas nrog lwm tus.

Qee qhov kev sib tham tshwj xeeb yog yuav muaj txiaj ntsig zoo rau cov tsev neeg ntawm cov me nyuam yaus xws li:

- **Koj Puas Tau Paub? Tam Sim No Koj Paub!** Ib qho kev sib tham uas tsim nyog rau tus neeg pib tshiab uas suav nrog cov khoos kas pab cuam xws li Medicaid, kev tuav pov hwm ntiag tug, thiab cov kev txhawb nqa mus ntev rau cov me nyuam uas muaj cov kev xiam oob qhab thiab cov kev xav tau rau kev saib xyuas rau fab kev noj qab haus huv tshwj xeeb.
- **Cov Kev Xaiv Thaum Ntxov Yog Qhov Tseem Ceeb.** Lub hwv tsam kev kawm paub uas tau tsom mus rau qhov tseem ceeb ntawm kev txhawb nqa thaum ntxov thiab kev pab tawm tswv yim.

Feem ntau cov kev sib tham muaj nyob hauv kev lai xauv (live) (pom ntsej muag los sis hauv Zoom) thiab xav tau rau thaum twg los tau tsuav haum rau koj tsev neeg lub sijhawm tsis khoom.

Kev koom tes los txhawb cov tsev neeg kom khov kho

FVW cov kev ntseeg hais tias thaum cov tsev neeg muaj cov cuab yeej thiab cov ntaub ntawv raug lawm, cov me nyuam yaus yuav vam meej. Txawm hais tias koj yog tus koom tshiab rau Lub Khoos Kas Pab Cuam Birth to 3 los sis tab tom nrhiav txoj hau kev los pab tawm tswv yim rau koj tus me nyuam lub neej yav pem suab, Family Voices yog ib tug khub koom lag luam uas ntseeg siab tau ntawm no uas npaj txhij yuav taug kev nrog koj mus txhua kauj ruam.

Txuas nrog twj ywm!

Rau npe kom tau txais Family Voices tsab email cov kev hloov kho dua tshiab hais txog cov chaw kawm ua tab tom yuav los txog no thiab cov chaw muaj ntaub ntawv tshiab: familyvoiceswi.org/connect. ❖

Puas yog tab tom nrhiav cov hau kev txhawm rau los txuas nrog lwm cov tsev neeg?

Dhau li no lawm Family Voices kuj tseem muab cov hwm tsam xws li:

- **Wisconsin Family Leadership Institute (WIFLI):** Kev cob qhia tawm tswv yim rau cov niam thiab txiv thiab cov neeg saib xyuas.
- **Kev Pab Tawm Tswv Yim rau Kev Hloov:** Ib qho xwm txheej txhua xyoo uas cov tsev neeg ntsib nrog cov neeg tsim sau kev cai lij choj hauv xeev.
- **Cov Voj Voom ntawm Lub Rooj Sib Tham Txog Kev Ua Neej:** Kev sib sau ua ke thoob plaws lub xeev uas tsim nyog rau tsev neeg nrog rau cov rooj sib tham cob qhia, lub khoos kas pab cuam rau tus tub ntxais hluas, thiab cov dej num lom zem!

Kawm ypaub ntau ntxiv ntawm familyvoiceswi.org.

Cov ntaub ntawv uas tau muab nyob rau hauv tsab ntawv xov xwm no tau luam tawm raws li U.S. Department of Education, Tsab Cai Hais Txog Cov Tib Neeg Xiam Oob Qhab thiab Kev Kawm Ntawv (Individuals with Disabilities Education Act, IDEA), thiab cov cai Feem C Uas Hais Txog Lub Khoos Kas Pab Cuam Rau Kev Cuam Tshuam Thaum Ntxov rau Cov Me Nyuam Mos Liab thiab Cov Me Nyuam Yaus Uas Muaj Cov Kev Xiam Oob Qhab.

Cov chaw muaj ntaub ntawv uas pab tau zoo rau cov tsev neeg

Tus Thawj Tswj Hau Kav Lub Xeev Wisconsin Governor Tony Evers Tau Tshaj Tawm Xyoo 2025 Ua Me Nyuam Yaus Xyoo: "Yog Tias Peb Xav Txhim Kho Peb Cov Me Nyuam Cov Txiaj Ntsig Tau Los, Ces Peb Yuav Tsum Txo Kom Luv Dua." Tus Tswv Xeev qhov kev tshaj tawm Peev Nyiaj Tswj Hwm xyoo 2025-27 yuav tsim ua rau feem hauj lwm tswj hwm muaj kev cog lus los ua tej yam uas zoo tshaj plaws rau cov me nyuam, txhim kho kev noj qab haus huv fab siab ntsws ntawm cov tub ntxhais hluas, ua kom ntseeg siab tias muaj dej haus yam uas nyab xeeb nyob rau hauv cov tsev kawm ntawv thiab cov zej zog, thiab lwm yam ntxiv.

Saib kev tso tawm xov xwm ntawm no: content.govdelivery.com/accounts/WIGOV/bulletins/3ce3a56 ❖

Kev kawm paub ntxiv hais txog Lub Khoos Kas Pab Cuam Birth to 3

Daim ntawv sau qhia txog ntsiab lus tseem ceeb 1,000 Hnub Xub Thawj muab lub ntsiab lus ntawm lub khoos kas pab cuam dhs.wi.gov/library/collection/p-02928.

Phau ntawv qhia cov kev pab cuam rau Lub Khoos Kas Pab Cuam Birth to 3 uas piav qhia txog cov kev txhawb nqa thiab cov kev pab cuam uas muaj nyob hauv: dhs.wi.gov/library/collection/p-03011.

Phau ntawv me teev txog Cov Kev Pab Cuam Uas Cuam Tshuam Thaum Ntxov rau cov me nyuam mos thiab cov me nyuam me uas muaj kev loj qeeb thiab cov xiam oob qhab hauv Wisconsin yuav pab koj kom nkag siab tias kev cuam tshuam thaum ntxov yuav pab koj tsev neeg thiab tus me nyuam kawm paub thiab loj hlob ua ke li cas: dhs.wi.gov/library/collection/p-03022.

Cov teeb meem dhau los ntawm tsab ntawv xov xwm txog All in for Kids: Lub Khoos Kas Pab Cuam Birth to 3 yog muaj nyob hauv oos lais: dhs.wi.gov/library/collection/akidsb-3-2024. ❖

KOOM NROG PEB EMAIL LIST

Yog xav xa khoom kom sai dua qub, ces sau npe nkag txhawm rau kom tau txais hom ntawv luam hauv is lev taus niv (electronic) ntawm tsab ntawv xov xwm no thiab lwm cov email hais txog Lub Khoos Kas Pab Cuam Birth to 3. Mus rau ntawm dhs.wi.gov/aboutdhs/alerts.htm thiab xaiv nqes mus thiab nias rau txoj kab txuas Cov Ntaub ntawv Teev Txog Lub Khoos Kas Pab Cuam Birth to 3 rau cov tsev neeg.

Tsis txhob hnov qab qhia rau koj tsev neeg thiab cov phooj ywg nyob rau hauv Lub Khoos Kas Pab Cuam Birth to 3 txhawm rau sau npe nkag tib yam nkaus!

Cov ntaub ntawv uas tau muab nyob rau hauv tsab ntawv xov xwm no tau luam tawm raws li U.S. Department of Education, Tsab Cai Hais Txog Cov Tib Neeg Xiam Oob Qhab thiab Kev Kawm Ntawv (Individuals with Disabilities Education Act, IDEA), thiab cov cai Feem C Uas Hais Txog Lub Khoos Kas Pab Cuam Rau Kev Cuam Tshuam Thaum Ntxov rau Cov Me Nyuam Mos Liab thiab Cov Me Nyuam Yaus Uas Muaj Cov Kev Xiam Oob Qhab.



All in for Kids: Lub Khoos Kas Pab Cuam Birth to 3 yog ib tsab ntawv xov xwm uas tau luam tawm los ntawm Wisconsin Department of Health Services rau cov me nyuam yaus thiab cov tsev neeg hauv Lub Khoos Kas Pab Cuam Wisconsin Birth to 3.

Lub Khoos Kas Wisconsin Birth to 3 yog ib lub khoos kas pab cuam rau kev cuam tshuam thaum ntxov uas tau muab siab rau kev saib xyuas cov me nyuam yaus uas muaj hnub nyoog qis dua 3 xyoos uas muaj kev loj hlob qeeb thiab cov kev xiam oob qhab thiab lawv cov tsev neeg. Lub khoos kas pab cuam yog cov khub koom lag luam nrog cov tsev neeg txhawm rau los pab tus me nyuam txoj kev loj hlob thiab txhawb tsev neeg txoj kev paub, cov kev txawj ntse, thiab cov kev muaj peev xwm thaum lawv sib tham nrog thiab tu lawv tus me nyuam. Rau ntaub ntawv kev paub ntxiv, mus saib dhs.wi.gov/children/index.htm.

Para leer este boletín en español, visite dhs.wi.gov/library/collection/akisb-3-2025.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/akisb-3-2025.

Rau lwm hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, မာလာဝ, Français, Polski, हिंदी, Shqip, Tagalog, Soomaali): 608-266-5508.